


晉燈錄

廿七之廿八



漢書門類		
三三三	九	一
五	五	四
號	函	冊


內閣文庫	
三三三	漢
五	書
四	
一	
兩	
三	

內閣文庫	
番號	漢 3335
冊數	14 (13)
函號	310 122



普燈錄

九七九八



嘉泰普燈錄卷第二十七

法苑珠林

平江府報恩光孝禪寺臣僧 夏編

頌古上

法昌遇禪師七首

蔣山佛慧泉禪師三首

翠巖真禪師七首

白雲端禪師十二首

保寧勇禪師十三首

力覃真淨雲庵文禪師八首

淨因柘木成禪師二首

慧林慈受深禪師四首

雪峰妙湛慧禪師一首

泐潭湛堂準禪師七首

泐潭闡提照禪師五首

蔣山佛鑑勤禪師七首

天寧佛果圓悟勤禪師七首

龍門佛眼遠禪師五首

開福寧禪師三首

大隨南堂靜禪師六首

龍牙言禪師九首

勝因戲魚靜禪師四首

薦福常庵崇禪師三首

寶華佛慈鑑禪師二首

淨慈月堂昌禪師四首

天童宏智覺禪師一首

華嚴真懿蘭禪師五首

上方益禪師二首

淨因躡庵成禪師四首

黃龍死心新禪師二首

木庵瑒首座二首

欽山方禪師二首

南華昇禪師二首

文殊道禪師四首

龍牙嶽噓才禪師二首

何山佛燈珣禪師五首

龍翔竹庵珪禪師六首

大瀉牧庵忠禪師三首

烏巨雪堂行禪師五首

法昌遇禪師七首

法身

螺螄吞大象石虎咬番馬驚起段家龍踏落雲屋瓦

廬陵米價

烏龜三眼赤祥麟一角尖騰雲生暮雨溪月夜明簾

風幡

不是風兮不是幡黑花貓子面門斑夜行人只貪明月不覺和衣渡水寒

麻三斤

火麻皮子若何分臘雪煎茶解醉君更有路行人未到野華含笑舊枝春

三玄

體中玄獨角泥牛水上眠轉身觸破澄潭月巫山頂
上浪滔天

用中玄征人帶甲眠春華風掃盡黃葉落塔前
句中玄遠道絕人煙甜瓜甜似蜜苦瓠苦如連

蔣山佛慧泉禪師三首

龐居士云此是選佛場心空及第歸

僕頭塵土靴襪破選佛場中無兩箇若道心空及第
歸頂上一椎難放過

金剛經云於是中無實無虛

菩提無實亦無虛幾箇男兒是丈夫丹穴不歸金嶽點

鴛鴦碧潭空漫玉蟾蜍

石霜虔侍者

石霜會裏擇高才上首貪程去不回只愛寒灰無焰
起不能枯木放華開虔侍者亦堪哀先師意旨雖明
得未免長拖破草鞋

翠巖真禪師七首

百丈再參馬祖

踏著船頭把釣竿浪蘆風緊得魚難翻思幾處解雲
雨只見四方雲出山

臨濟栽松

帶礪山河畫土疆漢高殿下有張良千言萬語無人
會又逐流鶯過短墻

首山荅佛法大意

楚王城畔水東流南地禪僧北地游眼目直教從淺
辯權衡爭奈出常流金篦為子排除翳駟上穿靴昔
打毬

玄沙三種病人

一二三見聞覺更是誰頓銷爍華簇簇處鷓鴣啼草
薰薰時鴛鴦飛玄沙老玄沙老賴遇當年欠一著諦
當之言徒唯然中間樹子半零落

馬祖即心即佛後云非心非佛

百萬雄兵出將軍獵渭城不閑弓矢力斜漢月初生

麻三斤

如何是佛麻皮三斤咄大地茫茫愁殺人

野狐

百文野狐語至言麈尾薩阿竭吾有吾盧

白雲端禪師十二首

外道問佛

禹丈寒潭徹底清錦鱗夜靜向光行和竿一掣隨鉤
上水面茫茫散月明

二祖安心

終始覓心無可得寥寥不見少林人滿庭舊雪重知
冷鼻孔依前搭上脣

勤婆

干戈中立太平基塊兩條風勝古時婆子為君勤破
了趙州脚跡少人知

三頓棒

一拳拳倒黃鶴樓一趂趂翻鸚鵡洲有意氣時添意
氣不風流處也風流

無位真人

春風浩浩喧天地是處山藏煙靄裏無位真人不可
尋落華又見隨流水

臨濟將示寂囑三聖

劈破泰山雷未猛照開滄海月非光瞎驢滅却正法
眼直得哀鳴滿大唐

德山見龍潭

明暗相凌不足云絲毫有解未為親紙燈忽滅眼睛
出打破大唐無一人

麻三斤

斤兩分明不付君眼中瞳子真生嗔百年三萬六千

日得欣欣處且欣欣

汝是慧超

一文大光錢買得箇油糞喫向肚裏了當下便不錢
芭蕉拄杖雲蓋鵬和尚與雙泉雅禪師向火
次舉此話鵬擬開口雅以火筋一搥鵬豁然
有省

與奪雙行驗正邪纒爭拄杖便忘家驀然鐵棒如風
至失却從前眼裏華

洗鉢盂

梅華落盡杏華披未免春風著出襖一氣不言含有

象萬靈何處謝無私

北斗裏藏身

五陵公子游華慣未第貧儒自古多冷地看他人富
貴等閑不奈撲頭何

保寧勇禪師十三首

達磨見武帝

燒得通紅打一鎚周遭無限火星飛十成好箇金剛
鑽攤向門前賣與誰

清淨行者不入涅槃

生平踈逸無拘檢酒肆茶坊信意游漢地不收茶不

為
管又騎驢子下揚州

不與萬法無侶

風吹日炙露屍骸泣問山人覓地埋
忍俊不禁多口老陰陽無處可安排

日面佛月面佛

蒲團上端坐針眼裏穿線西風一陣來
落葉兩三片仰山打破瀉山鏡

瀉山古鏡仰山提日上東方月照西
撲落不知誰捨得秋風索索草萋萋

臨濟問黃檗佛法大意

雷電喧轟海嶽昏一家愁閉雨中門
狂風忽起烏雲散白日滿天星斗分

臨濟囑三聖

出門握手再叮嚀往往事從叮囑生
夜迫路長休把火大家吹殺暗中行

須弥山

萬仞峰頭立大乘須臾眨眼落懸崖
通身不損毫毛者天上人間安敢埋

漸源吊慰

終日挨門復倚樓幾回明鏡照梳頭
一從事却潘郎

後也解人前一識羞

大隨龜

露足藏頭可笑奇
千年誰謂是靈龜
兩傾不解乘流去
浮木相逢又幾時

靈雲悟道玄沙未徹

萬年松下忽相逢
拔樹鳴條浩浩風
堪笑晚來無處覓
崔嵬和雨在雲中

大禪佛半夜於僧堂前叫云我悟也

夜半高聲似少神
箇中明白有疎親
如今隨列傳其響
也道師姑是女人

芭蕉拄杖

你有面前拈取去
如無背後奪將來
可怜黑漆光生底
擊著千門萬戶開

泐潭真淨雲庵文禪師八首

栢樹

庭前栢樹子我道不如松
枯枝折落地打著去年搜
吹布毛

鳥窠吹布毛紅日午方高
趙王因好劍滿國人帶刀

保壽開堂

探騎飛來棒下寧
暗人翻滿鎮州城
太平本是將軍

致不許將軍見太平

狗子無佛性

言有業識在誰云意不深海枯終見底人死不知心

臨濟參黃檗後到大愚二

資糧更不著此此歧路年深恐轉賒直下痛施三頓
捧夜來依舊宿苦華

便言黃檗無多法大丈夫見豈自乖肋下三拳明有
信不從黃檗付將來

百丈再參馬祖

客情步步隨人轉有大威光不能現突然一喝三日

聾那耳耶開黃檗面

野狐

不落藏鋒不昧分要伊從此脫狐身相逢盡道休官
去林下何曾見一人

淨因枯木成禪師二首

達磨見武帝

閑將一段秦川錦裁作人間巧婦衣幾度著來呈伎
倆暗中曲調少人知

三頓棒

山藤六十輕付肋下三拳已太遲堪笑不能知痛

養上堂猶道掛蒿枝

慧林慈受深禪師四首

瀉山一日坐次仰山從外而入瀉山以兩手
握拳相交示之作山便作女人拜瀉山曰如
是如是

佳人十八正嬌癡一曲堂前舞柘枝只有玉郎知雅
態更無人道柳如眉

女子出定

長江輓底浪如銀秋日白蘋紅蓼新莫怪扁舟到彼
岸行船猶在把梢人

麻三斤

洞山麻三斤斤兩不謾人語稀難問事貌古易傳神
世尊生下

一火鑄成金彈子團圓都不費鉗鎚拈來萬仞峰頭
放打落天邊白鳳兒

雪峰妙湛慧禪師一首

二祖安心

覓心不得得心安安得心來有幾般好把山藤贈二
十免教千古弄泥團

泐潭湛堂準禪師七首

楞嚴三不見時

老胡徹底老婆心為阿難陀意轉深韓幹馬嘶青草
渡戴嵩牛卧綠楊陰

黃龍三關

我手佛手十八十九雲散月明癡人夜走一
我脚脚脚放過一著龐公笠籬清平木杓
人人生緣北律南禪道吾打鼓蕪亭撐船

洗鉢盂

之乎者也衲僧鼻孔大頭向下若也不會問取東林
王大姐

勘婆

行路難行路難最難難是過臺山唯有趙州公驗正
昂頭掉臂總閑閑

提婆達多受罪

好笑提婆達多入捺落十小劫波然得三禪妙樂吹
布毛須還鳥窠

泐潭闍提照禪師五首

南泉斬貓

緇水酒越濃負心人越窮鐵剛刀自利不用苦磨礮
草鞋頭戴今何在我見牽來劈面春

女子出定

小樹子傍山栽華從葉裏開枝高攀不得和樹折將來

巴陵雞寒上樹

梨華一枝春帶雨金色頭陀笑不語龍宮海藏月明
前織女姐娥相對舞笑者笑舞者舞十方無虛空大
地無寸土

南泉為馬祖忌日設齋垂語

千尺絲輪直下垂一波纔動萬波隨江上晚來堪盡
處漁人披得一蓑歸

曾山去亦不變異

齋時一鉢飯飯後一覺睡睡起去放尿洗手成變異

太平佛鑑勲禪師七首

達磨見武帝

始聞阿闍一聲鐘日暖蒼龍睡正濃再擊鳳凰臺上
鼓夜半祥鸞未飛舞帝基永固如磐石胡僧狂費平
生力叵指少林歸去來春風一陣華狼藉

日面佛月面佛

東街柳色拖煙雨西巷桃華相映紅左顧右盼看不
足一時分竹與春風

世尊陞座

一輪明月挂天心四海生靈荷照臨何必西風撼丹
桂碧霄重送九秋音

離四句絕百非

美如西子離金明嬌似楊妃倚玉樓猶把琵琶半遮
面不令人見轉回流

十身調御

捉賊分明要見賊十身調御下禪床曾經已峽猿啼
處藏作心肝也斷腸

三聖逢人即出

城南措大騎驢子市北郎君跨馬兒各各四蹄俱著

地三春同到月明池

南泉示衆云文殊起佛見法見豎向二鐵圍山
彩雲影裏仙人現手把紅羅扇遮面無人著眼看仙
人却看隨後紅羅扇

天寧佛果圓悟勤禪師七首

德山小參不答話

大冶烹金忽雷驚春草木秀發光輝日新不費鐵毫
力擒下天麒麟全威殺活得自在千古照燿同冰輪
話作兩樞句中眼活龍頭蛇尾以指喻指撞著露柱
瞎衲僧塞斷咽喉無出氣擬議尋思隔萬山啞啞舌

頭三萬里

女子出定

大定等虛空廓然誰辨的女子與瞿曇據今何謂直
師子奮迅方搖乾蕩坤象王回旋方不資餘力孰勝
孰負誰出誰入雨散雲收青天白日君不見馬駒跡
殺天下人臨濟未是白拈賊

須彌山

石筍抽條泥牛乳月誰料同舟自胡越應機涌出須
弥盧一念不生何處雪無處雪金剛寶劍當頭截

麻谷持錫到章敬又到南泉

如是又是去却藥忌擬犯對疆全軍失利杖頭突出
古菱華舉世風流出當家

透網金鱗以何為食

百草頭出沒三界外遨遊徒布漫天網虛下釣鱉釣
搖鱗振鬣撼乾坤兀目昂頭洪浪噴捲兩點晴雷奔
肯將爭戰定功勳

麻三斤

鍾在扣谷受響池印月鏡舍像曾非展事投機豈是
預搖待癢點鐵成金舉直措枉一箭驅一雙一搨立
一掌君不見疎而不漏兮恢恢天網

雲門示衆云人人盡有光明在

夜明簾外千峰秀
鸞鏡臺前萬象虛
掃蹤滅跡不立
錙銖誰爲佛
豎誰是香厨
敲出鳳凰五色
隨擊碎驪
龍明月珠

龍門佛眼速禪師五首

俱抵指

老大宗師豎指頭
一生用得最風流
玄沙說折無人
會得來年去公
颯颯

玄沙三種病人

玄沙三種病人
有理不在高聲
引得香巖老子却來

樹上懸身

野狐

醉眠醒卧不歸家
一身流落在天涯
禪位中留不
住夜來依舊宿蓮華

瀉山撼門扇三下

春至百華開
朱顏安在哉
可憐園裏色
不入鏡中來

鬪肩斲師子尊者

揚子江頭楊柳春
楊華愁殺渡頭人
一聲羌笛離亭
晚君向瀟湘我向秦

開福寧禪師三首

女子出定

抹粉塗環恰我默神頭見面舞三臺千千萬萬人窺
看子細不知誰見來

風幡

非風幡動唯心動猶涉稟鐵強指陳大地未曾添寸
土不知誰是點頭人

風頭稍硬

風頭坐斷進還難衲子相將不易看未到鐘闌天已
曉不堪回首望長安

大隨南堂禪師六首

即心即佛

即心即佛鐵牛無骨戲海獺龍摩天俊鷲西江吸盡
未為汙火裏生蓮香颺颺

狗子無佛性

趙州狗子無佛性七佛如來合掌聽須於吸吐舞三
臺海木騰波行正令

野狐

長蛇偃月鐵旗鐵鼓坐斷乾坤輝騰今古曾騎鐵馬
入重城手握金鞭賀太平

女子出定

懷藏日月八面玲瓏袖裏含鮪鮮血通紅香風颯颯
華雨濛濛兵隨印轉處萬里長虹將逐符行時此子
神通

僧問瑯琊清淨本然

清淨本然云何忍生山河大地大小瑯琊禪師借人
鼻孔出氣出得氣有巴鼻昨夜那三三生八臂

無縫塔

皎潔天心月朦朧徧九垓三秋黃葉落二月牡丹開
每觀南來鴈常詢此五臺均提童子報拾得在六台
龍牙言禪師九首

趙州衫

趙州老對面人難曉一歸何處青州布襖金銀瑠璃
碑礫馬

靈雲桃華

春風二月半桃華紅爛熳靈雲到處逢衲僧著眼看
看看短棹孤舟誰店彼岸

仰山推枕子

田中插鐵床上推枕子手子眼不審不審
百丈再參馬祖

風雲會合又相期觀面難明第一機霹靂一聲天地

遊西河師子却生兒

栢樹

庭前栢樹子不是祖師心莫執一時見便忘千古音

雲門放洞山三頓棒二

汗馬功勞要立身將軍一等掃邊塵全身只待英雄士不遇英雄愁殺人

查渡湖南涉路歧雲門不惜兩莖眉萬古碧潭空界月再三撈撓始應知

有句無句

仰之彌高鑽之彌固昭昭明明如藤倚樹大笑呵呵

跨白牛碧雲繚繞無尋處

斬貓

當日臨崖看許眼至今觀水憶南泉趙州頭戴草鞋去漁翁腰帶好牽船

勝因戲魚靜禪師四首

勘婆二

婆子只知指路雞犬被人偷去直待趙州勘了這回

緊閉門戶

趙州老老大火不解山中打坐自言去勘婆子倒被婆子勘破

犀牛角

扇上犀牛從古畫索來既破要元牛縱教戴子重描
出不是當時那一頭

四不遷

心境
時起

指珠不念佛開眼不見色喫飯誰擇日任東西南北

薦福常庵崇禪師二首

風幡

浪靜風恬正好看秋江澄徹碧天寬漁人競把絲輪
擲不見冰輪蘸水寒

趙州三不度

金佛不度爐窮源有處無木佛不度火湏奈燄不破
泥佛不度水何處不是你真佛屋裏坐趙州言是揭
水拈會耕田黃牛能拽磨

寶華佛慈鑑禪師二首

世尊拈華

拈華親付老頭陀平地俄興一丈波後代釘椿搖櫂
若竹篙量水轉般說

樓子和尚悟道

你若無心我也休鴛鴦帳裏懶擡頭家童為問深深
意笑指紗窻月正秋

淨慈月堂昌禪師四首

忠國師問紫璘供奉草作何色

慣使渡頭船如今不記年愛他風浪惡方是趁麈錢

秀木讀千佛名經

千佛居何處題詩黃鶴樓感恩并積恨終日在眉頭

盤山光非照境

光非照境境非存光境俱忘復是痕百鳥不來春已

老落華流水繞江村

丹霞燒木佛

慣行私路乍赴公庭樸頭脚短腰帶夸圓不是伴郎

來勸酒誤他年少覓青檀

天童宏智覺禪師一首

野狐

一尺水一大波五百生前不奈何不落不昧商量也

依前撞入葛藤窠阿呵呵會也麼若是你洒洒落落

不妨我哆哆和和神歌社舞自成曲拍手其間唱哩囉

華嚴真懿蘭禪師五首

五位

正中偏拈轉虛空過那邊夜半金雞生鐵卵明明誰

辨暗中圓

嶺

偏中正曉月梳雲華弄影石人驚起夢魂消帶雪烏
雞回鳳嶺

正中來玉兔團天耀九坡萬古碧潭無影像紅爐焰
裏雪華開

兼中至錦縫金針雙鎖備靴頭線綻足知音有耳不
臨流水洗

兼中到眼裏雙瞳齊唱道少室山前鐵馬駒三更喫
盡無根草

上方益禪師二首

臨濟見普化奕生菜

草裏相逢兩赤眉交鋒一陣疾如飛東西旗號渾相
似試問何人得勝歸

香巖上樹

狹路轉身難東西盡是山行人不到處風定落華閑

淨因躡庵成禪師四首

夾山境話

古路雪深覆好山雲更遮鴈聲天外急遊子夜還家

德山托鉢

巫峽山頭窈窕女朝為行雲暮為雨王孫一見空斷
腸便作紅霞隱身去

女子出定

文殊頭白罔明頭黑女子冶容瞿曇是賊山僧不犯
鋒銜直下并賊捉獲

龍牙問翠微臨濟佛法六首

駕與青龍不解騎人人盡道阿師癡爛泥中有傷人
刺三度曾施啗虎機

黃龍死心新禪師二首

秀才問長沙千佛

黃鶴樓前法戰時百千諸佛豎降旗渠無國土居何
處留得多才一首詩

魯祖面壁

魯祖垂慈不用功逢僧面壁顯家風若遇上乘同道
者請續此句

木庵瓊首座二首

達磨見武帝

掩耳不及忽雷奔天低尺五兩傾盆葉隨流水歸何
處牛帶寒鷗過別村

世尊一日坐次見二人昇猪乃問這箇是甚
麼云佛具正徧知為甚麼猪也不識世尊曰
也要問過

捨筏懷兼濟逢耕更問津却將未歸意說與欲行人

欽山方禪師二首

乾峰示眾云法身有三種病二種光

三種病兮二種光衲僧於此共商量商量得到無疑地野草閑華滿地香

燒木佛

覲面難藏最上機家風千古為人施銀山鐵壁重重透賴有丹霞院主知

南華吳禪師二首

僧問清平有漏無漏

策籬木杓錢貫井索打瓦鑽龜徒勞卜度休卜度麒麟只有一隻角

僧問雪竇明覺如何是佛曰四山圍繞

狂狗逐塊瞎驢趁隊只許我知不許你會

文殊道禪師四首

野狐

石崇富貴錢鏗壽潘岳容儀子建才但願東風齊著力一時吹入我門來

勘婆

三月春光上國游祥雲瑞氣鎖龍樓親從宣德門前

過更問行人覓汴州

狗子無佛性

狗子佛性無老蚌吐明珠西川鳴杜宇江南啼鷓鴣

燒木佛

彭祖八百乞延壽秦皇登位更求仙昨向天津橋上

過石崇猶自送窳船

龍牙嶰噓才禪師二首

瀉山百年後向山前檀越家作一頭水牯牛去

翻手書空字已成忙忙人向兩頭爭屈原文不是尋漁

父千古誰人論獨醒

玄沙白紙

踏翻漁艇成家業笑出蘆華月正圓地闊天長三幅

紙同風千里為重宣

何山佛燈珞禪師五首

南泉示眾文殊起佛見法見

鴛鴦繡出世無雙好手元來更有強呈罷各歸香閣

去金針難把度蕭郎

德山入門便棒

入門便棒沒商量拶出紅流便厮當不是奴奴情淡

薄無錢難作好兒郎

臨濟入門便唱

張公未醉李公扶從此嘉聲滿道途却被金剛開口
笑誰能愛你護身符

央崛取世尊指頭

急行緩步無前後渾踏長安路一條央崛回頭知住
處便能平步出雲霄華冠不用釀生指鬚髮寧煩費
力搔好似移華菓蝶至等閑買石得雲饒

外道問佛

露影藏身問世尊瞿曇一點不加文迷雲舒卷從斯
入十倍精神減八步

龍翔竹庵珪禪師六首

女子出定

不假文殊神通休要罔明彈指爾時靈山會中女子
從定而起

國師三喚侍者

世路風波不見君一回見面一傷神水流華落知何
處洞口桃源別是春

趙州勘婆

劈面三拳連腮七掌盡大地人不知痛癢
趙州七片衫

夜半墨漆黑提得一箇賊點火照來看元是王大伯
南泉油糞

近在口皮邊遠過河沙國世間多少人不得油糞喫
芻蕘斬師子尊者

船子下揚州浮萍逐水流一聲河滿子千古動悲愁
大瀉牧庵忠禪師三首

女子出定

秤鎚落井只有秤衡兩兩相憶分物不平方始取出
秤鎚忽又失却秤衡始去隣家借覓衡上不曾釘呈
休休重者從他重輕者從他輕

新婦騎驢

初暉江頭賞白蘋小風吹處曉煙輕漁翁坐釣秋亭
月翻憶茗溪說性情

非心非佛

二月春光景氣浮少年公子御街游銀床踞坐傾盃
樂三箇孩童打馬毬

烏巨雪堂行禪師五首

達磨見武帝

西天屠子氣雄豪欺負神洲罪莫逃武帝當頭輕一
拶果然提起活人刀

嘉泰普燈錄卷第二十八

平江府報恩光孝禪寺巨僧 爰編

頌古下

大瀉佛性泰禪師十二首

徑山大慧普覺泉禪師十首

道場正堂辯禪師十六首

萬年雪巢一禪師二首

上封佛心才禪師二首

崇覺空禪師一首

南巖勝禪師七首

嘉泰普燈錄卷第二十八

梁山遠禪師三首

道場普明琳禪師二首

靈隱佛海遠禪師七首

本寂靈光觀禪師三首

東禪蒙庵岳禪師四首

萬年閑禪師二首

靈巖安禪師四首

天章應庵華禪師三首

鴈山拈水元禪師二首

東林卍庵顏禪師八首

雪竇聞庵宗禪師三首

善權智禪師五首

狼山蘿庵溫禪師五首

國清簡堂機禪師四首

焦山或庵體禪師七首

玉泉窮谷璉禪師三首

文殊能禪師二首

開善密庵謙禪師七首

西禪此庵淨禪師一首

畏蘆且庵仁禪師一首

淨慈水庵一禪師二首

德山消禪師二首

薦福退庵休禪師四首

劍門分禪庵主五首

資壽尼無著道人二首

侍郎揚無為居士七首

丞相張無盡居士五首

大瀉佛性泰禪師十二首

淨果與演化至報慈化問如何是真如佛性

曰誰無云云

朝三暮四一何少暮四朝三何太多多少少未能知數
量有無從此見殺訛不殺訛噉噉噓噓唎薩婆訶

揚岐三脚驢

三脚驢子弄蹄行步步蓮華觀足生堪笑草中尋覓
者不知共樹轉新鶯

靈雲悟道玄沙未徹二

無星秤子兩頭平拈起應須見得明若向箇中爭分
兩知渠錯認定盤星

十分風采露堂堂玉蕊瓊華未比量剛被傍人論好
醜因茲難嫁與潘郎

龍牙問翠微臨濟祖師西來意

子御不下單于拜始末常遵漢帝儀雪後乃知松柏
操事難方見丈夫兒

蜀賓斬師子尊者

得人一牛還人一馬有往有來可知禮也

侍者報大王來

應用從來不覆藏當機何得昧真常只知報道上來
也不覺渾身在帝鄉

野狐

不落因果何曾墮不昧因果何曾脫當堂鏡破兩頭

忘掃影蹤無摸索無措索何倚托秋風吹梧桐掛
葉鳴噪噪

處侍者問德山從上諸聖向甚麼處去

商嶺東西路不分兩間茅屋一溪雲師年耳聵知師
意人非不欲聞

有句無句

樹倒藤枯意若何為山開口笑呵呵可冷三入龍泉
劍喚作陶家壁上梭

外道問佛

有無不問語先墮明鏡當臺雙照破迷雲散盡曉天

空泉日團團紅似火

倒刹竿

多子塔前衣付後更傳何物示於人
双珠迸出刹竿倒直得寒光徹四隣

徑山大慧普覺杲禪師十首

二祖安心

覓心無處更何安嚙碎通紅鐵
一團縱使眼開張意氣爭如不受老胡瞞

黃蘗噎酒糟

身上著衣方免寒口邊說食終不飽
大唐國裏老婆

禪今日為君都說了

不許夜行

禾黍不陽艷競栽桃李春翻令力耕者
半作賣華人

勘婆

天下禪和說勘破爭知趙州已話墮
引得見孫不丈夫人人點過冷地卧

德山托鉢

一搥塗毒聞皆喪身在其中總不知
八十翁翁入場屋真誠不是小兒嬉

風頭稍硬

夜半明星當午現愚夫猶待曉雞鳴可冷自屎不覺
臭又欲重新拈似人

鬪宿斬師子尊者

殺人須是殺人漢當下一刀成兩段頭臂雖虧劍刃
鋒何似秦時轆轤鑽

一口吸西江

一口吸盡西江水甲乙丙丁庚戌己丑吐吐囉囉哩
維摩經其施汝者不名福田

產難

獨坐許誰知青山對落暉華須連夜發莫待曉風吹
華陰山前百尺井中有寒泉澈骨冷誰家女子來照
影不照其餘照斜領

道場正堂辯禪師十六贊

達磨見武帝

黃金鑿白玉椎鑿開混沌窠透出玄元機

達磨分皮髓

社舞村歌笑殺人騎牛挑鴨走成羣三五酒罷歸家
去留得猪頭礙塞人

女子出定

要得他家活計強竿頭須解倒拈槍這邊打鼓那邊

拍引得豐墨奕一場

圓覺於一切時

張果老踏破葫蘆呂洞賓失却寶劍兩箇撒手相逢
囊篋更無一線何仙姑鐵笛橫吹解道長江靜如練
亮座主參見馬祖

弓弦難結鴛鴦紐御道那栽栗棘蓬堪笑香巖饒舌
老今年猶勝去年窮

野狐

不向東山久蓄薇幾度華白雲他自散明月落誰家
光師無此語

行主無人能賽姐姐更是好手騰身百尺竿頭打箇
背翻筋斗

因我得禮你

老鼠咬生鐵十分滋味別貓兒左右看嚙唾也不徹

頡樹

百寶光攢無見頂是大神呪最靈奇揭諦波羅僧揭
諦石人半夜失烏雞

十智同真

盡得真如活華間試展開黃鶯偷眼覷不敢下枝來

黃龍三闋

我手何似鴻毛黃龍鼻下無口當時所見顛頂至今
百拙千醜

我脚何似駝脚文殊親見無著好箇玻璃盞子不要
當面諱却

人人有箇生緣從來罪大弥天不是牽犁拽耙便湏
鼎鑊油煎

小變化為蝴蝶

春水滿幽澗江風吹斷雲年年那時節憶著別離人

蛭蚓化為百合

住山身已老世事任乖張年來無侍者客到自燒香

兩女合為一媳婦

兩女合為一媳婦古寺基前童子豎髮髻上有陀羅
尼多少行人盡驚怖

萬年雪巢一禪師二首

外道問佛

世尊隻眼通三界外道双眸貫五天華意正濃桃臉
笑春光不在柳梢邊

晦堂拳頭

背觸人難會憑君子細看片雲繞出洞遮却面前山
上封師心才禪師二首

風俗

指出風幡俱不是直言心動亦還非夜來一片曹溪月却照儂家舊翠微

大禪佛參仰山後到霍山

子陵灘水急如弦摸得黃魚縮頂鱗提向市中頻索價他家不著半分錢

崇覺空禪師一首

猶樹

打人罵人易勸人休却難不識饒人處急水下高灘

南岩勝禪師七首

馬祖踏水潦

無量妙義皆周匝旋乾轉坤為一合當陽橫按笑中刀猶欠頂門上一路

興化打克賓

漢祖拜將務決勝非韓誰敢當茲任赤幡高豎化城降星在盤子不在秤

廓待者問德山從上諸聖向其麼處去

脚踏清波分華嶽手擎紅日轉重雲徒勞謾費千戈力究竟還歸有道君

保壽作街坊見相打有省

借路經過無面目因邪打正有拳頭衲僧門下無干
涉徒用精金換得鎗

金剛經爲人輕賤故先世罪業

藤蘿荆棘離離草枯樹無根還不倒敗葉知他疊幾
重不消一陣秋風掃

侍者報大王來

許由臨岸洗耳巢父不飲牛水侍者親入帝鄉趙州
只在草裏

狗子無佛性

乙巳大人丘叢林爲寇讎利牙如劍戟生殺有來由

梁山廊庵遠禪師三首

女子出定

出得出不得定從何處起文殊法梵天罔明輕彈指
棄流即行遇坎即止君不見虛築防胡萬里城不知
禍起蕭牆裏

普化有齋

不是風方不是顛長街短巷走如煙院裏有齋常記
得時時挂在口皮邊

有句無句

呵呵大笑不尋常笑得眉間也放光不是明招重注

脚叢林泊合銷商量

道場普明珠禪師二首

北斗藏身

五鳳樓前問洛陽金鞭遙指御街長
春風是處華車發游子年年憶故鄉

晦堂拳頭

赤體更無藏隱處黃龍未語先分付
若將見解上門來他家自有通霄路

靈隱佛海遠禪師七首

勘婆

總拈折箭斷弦弓隨手双鵬落碧空
打鼓香來君不見萬年松在祝融峰

臨濟囑三聖

濃雲潑墨忽遮山碎雨跳珠乱入船
卷地風來忽吹散望湖樓下水如天

風幡

不是風幡動亦非人者心自從胡乱後
漏脂到如今

栢樹

靜鞭聲裏駕頭來緊握六拳打不開
打得開雲壓香塵何處是靜鞭聲裏
駕頭來

楚三城畔

楚王城畔水東流獨脚山魈耀氣毬貪看六女華十
八浙頭船子下揚州

普眼不見普賢

飄飄一鴈落寒空步步追空覓鴈蹤踏破草鞋跟子
斯巍然獨坐大雄峰

慈明水盆

暑往寒來春復秋夕陽西去水東流將軍戰馬今何
在野草閑華滿地愁

本寂灵光觀禪師三首

疎山造壽塔

冬瓜蘸雪未為淡匠者三文淡最幽淡最幽天共白
雲曉水和明月流

勘婆

趙州勘破老婆時恰似青春三月裏陌上遊人爭看
華鷓鴣啼處誰相委

僧問黃龍南禪師不去不來時如何曰華嶽

三峰頭倒卓云却去却來時如何曰風吹柳

絮毛毬韻

冰雪肌膚必合女梳粧巧巧畫雙眉傍人筆力強傳

寫戶外如何見得伊

鼓山蒙庵岳禪師四首

勘婆

本是山中人愛說山中話五月賣松風人間恐無價

七賢女游屍陀林

無根樹子一株山翁不費誅鋤鎚碎千年桃核不須
緣木求魚

無陰陽地一片明明賣貴買賤死屍無處活埋露出
三頭兩面

不響山谷一所透出千門萬戶清曉一聲杜鵑勸人

不如歸去

萬年閑禪師二首

世尊拈華

雪壓怪松露風高野渡橫將謂衆生苦更有苦衆生
乾峰示衆舉一不得舉一

相見不須嗔君窮我亦貧請言侵早起更有夜行人

灵台安禪師四首

文殊白槌

法王法令沒周遮一片虛凝絕點瑕槌下不開諸聖
眼幾多騏驎困鹽車

野狐

百文堂前辨野狐紫羅帳裏撒真珠誰家別館池塘裏一對鴛鴦水上浮

國師三喚侍者

一段風光盡不成洞房深處暢予情頻呼小玉元無事只要檀郎認得聲

三平見石叢

解磅當習箭前因何只半人為從途路曉所以不全身

天童應庵華禪師三首

女子出定

出得出不得滿面是埃塵愁人莫向愁人說說向愁人愁殺人

風幡

大海波濤湧千江水逆流龍王宮殿裏不見一人游

香嚴上樹

故園春色在枝頭惱亂春風本未休無事晚來江上望三三兩兩釣魚舟

鴈山枯木元禪師二首

香嚴貧

無地無錐未是貧知無尚有守無身儂家近日貧來

甚不見當初貧底人

竹篋

不觸又不背徒勞生擬議開口更商量白雲千萬里

東林无庵顏禪師八首

祖師曰佛說一切法為度一切心

牛頭菩薩面馬面夜叉頭不作五逆罪快樂百無憂

勘婆

四海同一家万口同一舌趙州勘婆子有理向誰說

香山竹篋

罵他還自罵嗔他還自嗔戒之慎之出乎尔者反乎

尔者也

雲門露

椎鑼搥鼓轉船頭席卷波翻喊激流洗脚上船乘快

便順風相送下揚州

芭蕉拄杖

相罵饒汝接蒲相唾饒汝潑水等閑摸著蛇頭拍手

囉囉哩哩

楞嚴妙性圓明離諸名相

一錢為本萬錢利富不足而貧有餘換骨奪胎此子

藥輸他潘閣倒騎驢

南泉油漆

騎虎穿市過把火去偷猪主人開眼睡並舍叫失駢

臘月火燒山

臘月火燒山苦口是黃連相將歲除夜竇八布衫穿
大可怜把手入黃泉

雪竇聞庵宗禪師三首

虔侍者

石人不怕師子吼須弥頂上翻筋斗滄溟竭盡正三
更生鐵崑崙雲外走

香巖擊竹

粥飯隨時養病軀本無迷悟可關渠無端擊老庵前
竹直至如今在半途

二祖得髓

弟昆各自逞功能獨有家兄徹骨貧三拜起來無一
語鼻孔纍垂蓋上脣

善權智禪師五首

五王子

誕生

貴胤生時輪擬空玳瑁玉珮處東宮月堂轉側朝君
父直扣堯塔却借功

朝生

學問詩書德行全金門投策紫微班台星不日離
藁釣那得寅昏奉聖顏

末生

貧來今日極清虛悲喜寥寥一物無便欲昇為九
苞鳳依稀雲樹月巢孤

化生

帝命傳來下九天禁城中外化親宣回途復妙持
金印正令曾無一字傳

內生

鳳勢龍驤大丈夫天然尊貴六官殊甚封寶殿無
人侍造次九眸識得無

旅山蘿庵溫禪師五首

五位

正中偏玉兔金烏落二邊了角童兒騎黑象三更穿
過御樓前

偏中正過房之子初受命金剛脚下崑崙奴腰間也
佩此盧印

正中來無著當年訪善財瑠璃盤裏藏明月異草山
華處處開

兼中至不歷僧祇超十地雖然踏著舊家鄉更須知
有深深意

兼中到天寒大雪長安道五陵才子錦袍新馬蹄亂
踏瓊瑤草

國清簡堂機禪師四首

魯祖面壁

葉落崗頭一望長幾莖喬木倚斜陽曾經巴峽猿啼
處鐵打心肝寸斷腸

楞嚴吾不見時

隔林髣髴聞機杼知有人家在翠微及至入門親見

了元來只是小兒戲

斬貓

青地提起氣腥臊幾箇男兒有痛毛直下血流猶未
覺舉頭還見鐵山高

夾山境註

東西南北無門戶大地山河不覆藏今夜碧天雲脚
盡一鈎月挂幾人腸

焦山武庵體禪師亡首

金剛經三心

三清道士無仙骨八教闍梨毀梵書黑漆崑崙舞舞

鼓天親無著暗嗟吁

婆子燒庵

不見人斑見虎斑
筭來莫願見人斑
虎斑見後通回
避唯有人斑近最難

南泉油茶

渾身無處著驛路
倒騎驢覽盡瀟湘景
和船入畫圖

南泉三世諸佛不知有

越鳥巢南枝胡馬嘶北風
狸奴并白牯寸步不曾通
千山都坐斫萬派盡朝東
天王纔合掌那吒撲帝鍾

倩女離魂

假使百千劫所作業
不忘因緣會遇時
果報還自受

維摩觀身實相觀佛亦然

眼空四海恣縱橫
鼻孔遼天信脚行
拏得雷光為火把
却來日午打三更

三十六万億一十一万九千五百同名同號

阿弥陀佛

竹溪煙絕雨纔通
無數深紅間淺紅
山店落英春寂
寂青旗吹動柳華風

玉泉窮谷瓊禪師三首

德山見龍潭

南來本欲破邪說紙燈滅處難分雪踏著秤鎚硬似
鐵錯認烏龜喚作鼈

新婦騎馱

新婦騎馱阿家草裏尋常万万千誰在後兮誰在
先不須特地苦加鞭

麻三斤

馱尾猪頭牛脚跡三斤麻子露消息誌公杖頭剪刀
尺從來兩下塔頭濕

文殊能禪師二首

臘月火燒山

巢知風穴知雨可憐謝三郎月中自捏擔

麻三斤

現前三昧料水打碓漏泄天機失錢遭罪

開善密庵謙禪師七首

央嶼產難

賢聖劫來未曾殺而今斬這一刀休果然葛恒留中
落笑殺灵山老比丘

女子出定

四箇沒意智漢做處總無畔岸一狀領過塔前與伊
據款結案

百文卷席

浩浩長江際碧空
片帆高挂便乘風
快哉不費纖毫力
万里家鄉咫尺通

即心即佛

誰家飯挂空梁
指與小兒令看解
開即是灰囊當下
命根便斫

非心非佛

賣盡田園徹骨貧
不知何處可容身
樓頭浪蕩無拾
檢鐵笛橫吹過洞庭

不是心不是佛不是物

華岳三峰翠插天
上頭無路可躋攀
不知誰有神仙
手折取峰頭十丈蓮

心不是佛智不是道

太平時節歲豐盈
旅不資糧戶不扃
官路無人夜無
月唱歌歸去恰三更

西禪此庵靜禪師一首

竹篋

千山鳥影滅
萬里人跡絕
孤舟篋坐翁獨釣
寒江雪
長芦且庵仁禪師一首

靈雲挑華玄沙未徹

多方竊得破衣裳
壁在籬圻沒處藏
更有一般無賴漢
不曾同伴要分贓

淨慈水庵一禪師二首

話墮

二八佳人美態嬌
繡衣輕整暗香飄
偷身華圃徐徐立
引得黃鸝下柳條

慈明水盆

家山指出路非遙
一刃差栽插碧霄
一片白雲覆谷口
幾多歸鳥盡迷巢

德山消禪師二首

狗子無佛性

狗子佛性無門上
釘桃符邪魔并百怪
一見便消陰
三聖逢人即出

乍雨乍晴山裏寺
或來或去洞中雲
滿天星月明如
畫此境此時誰欲分

薦福退庵休禪師四首

興化勘同參

恰如劊子氣雄豪
便向咽喉下一刀
五臟肝心皆盡
出方知王法不相饒

一口吸盡西江水

洋菓鯨赤洒洒沒可托嗒可知禮也

廣額屠兒放下屠刀

放下屠刀處棒打不回頭雲自帝鄉去水歸江漢流

狗子無佛性

趙州門前毒地當路踏著殺你退步退步

劔門分禪庵主六首

勘婆

臺山一路絕纖埃無限央靈被活埋拊掌高歌天
地闊趙州親到勘婆來

臨濟四喝

是非穿鑿不相干以唱諸方莫錯看六道四生平等
法牧童吹笛過前山

與化勘同參

長松不改四時青縱奪當機幾箇明陣敗不禁老
掃眼中瞳子面前人

女子出定

鷓鴣午夜破雲飛寶印無私孰解提若道罔明能出
定是人拔舌入阿鼻

風幡

非風幡動唯心動踏雪分見徹骨寒
空垂注九誰

曼卿京師不歸園山

資壽尼無著道人二首

產難

不遲一步不疾一刻明眼衲僧如何會得粉骨碎身
未足酬一句了然超百億

狗子無佛性

鐵壁銀山一箭穿過潦倒趙州口能招禍

侍郎棋無為居士七首

卷席

野鴨飛鼻頭裂卷席更來呈醜拙直饒獨坐六維峰

也是天邊第二月

擔板漢

睦州喚隨卦斷回不回擔板漢

如眼觀井

野觀井井觀野五臺何處不文殊黃面老人任多口
未知道得八成無

僧問古德如何是三乘教外別傳一句曰東

村王老夜燒錢

三乘教外別流傳瞎漢多知喚作禪天下衲僧參

王東村王老夜燒錢

吉德垂語云我喚作火汝不得作火

我喚作火汝即不可已道了也喚作甚麼

藥山云恁麼也不得不恁麼也不得

總不得太無端野老焉知天地寬直饒數到八九十

家山猶隔一重關

四祖問牛頭汝在此作甚麼曰觀心

觀者何人心是何物瓦解冰消不勞拈出

丞相張無盡居士五首

廬陵米價

一派青源出少林信衣到此只傳心尋常示眾無人

曾盡向廬陵米價尋

雲照雪中賣笠籬回至一廟前云云

寧可饑寒死路邊不勞土地強哀憐滿船家計沈湘

水豈藉芒繩十百錢

堯率三關其一日撥草參玄只圖見性即今

上人性在甚麼處

陰森夏木杜鵑鳴日破浮雲宇宙清意對曾參問曾

哲情知孝子諱爺名

其二曰識得自性方脫生死眼光欲落時作

脫生脫

人間鬼使將來取天小華冠色正姦姦何轉身時節
子莫教關老等閑知

其三曰脫得生死便知去處四大一分時向
甚麼處去

鼓合東州李大妻西風曠野淚霑衣碧蘆紅蓼江南
岸却作張三坐釣磯

嘉泰普燈錄卷第二十八

三
釋

贖五怪音 贖音 濕音 鵲音 脂音 夷音 殖音 育音 玎音 丁音 璫音 當音 驤音 泖音 切

虎伯哲音

十八
統

